



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ՄՏԱԿՈՐ ՍԵՓԱԿԱՆՈՒԹՅԱՆ
ԳՈՐԾԱԿԱԼՈՒԹՅՈՒՆ



ՏԱՐԵԿԱՆ
ՀԱՇՎԵՏՎՈՒԹՅՈՒՆ

2008

ԲՈՎԱՆԴԱԿՈՒԹՅՈՒՆ

Նախաբան3

Գյուտեր և օգտակար մոդելներ4

Ապրանքային նշաններ և արդյունաբերական նմուշներ6

Ֆիրմային անվանումներ..... 10

Տեղեկատվական տեխնոլոգիաներ 10

Լիցենզային և զիջման մասին պայմանագրերի գրանցում 12

Իրավական դաշտ 13

Միջազգային համագործակցություն 13

Հրատարակվում է Մտավոր սեփականության գործակալության կողմից

Խմբագրական կոլեգիա՝	Արմեն ԱԶԻԶՅԱՆ
	Անդրանիկ ԽԱԶԻԿՅԱՆ
	Արմինե ՓԵԹԱԿՉՅԱՆ
	Գոհար ԱԴԱՄՅԱՆ
Դիզայնը և էջադրումը՝	Կարինե ՄԵԼՈՅԱՆԻ

0010, Երևան, Գլխավոր պող., Կառավարական տուն 3
 Հեռ. 563-267 հայտերի ընդունման բաժին
 Հեռ. 561-126 տեղեկատվական-տեխնոլոգիական ապահովման բաժին
 Internet: www.aipa.am
 E-mail: armpat@aipa.am

© ՀՀ մտավոր սեփականության գործակալություն

ՆԱԽԱԲԱՆ

Մտավոր սեփականության բնագավառի Հայաստանի Հանրապետության օրենսդրությանը համապատասխան Մտավոր սեփականության գործակալությունը 2008թ. շարունակեց արդյունաբերական սեփականության օբյեկտների իրավական պահպանության ապահովման հետ կապված իր հիմնական գործառնությունների իրականացումը՝ ապահովելով գյուտերի, օգտակար մոդելների, արդյունաբերական նմուշների, ապրանքային նշանների, ապրանքների ծագման տեղանունների հայտերի ընդունման, փորձաքննության անցկացման, պահպանական փաստաթղթերի տրամադրման, ինչպես նաև պաշտոնական տեղեկությունների հրապարակման և իր կանոնադրությամբ նախատեսված այլ աշխատանքների կատարումը:

Մինևույն ժամանակ ուշադրություն է դարձվել օրենսդրական պրակտիկայի ընդհանրացմանը և բնագավառի կատարելագործմանը վերաբերող աշխատանքներին, գլխավորապես իրավական դաշտի կատարելագործմանը, ինչն իրականացվել է ՀՀ կառավարության 2008թ. գործունեության կատարումն ապահովող միջոցառումների շրջանակներում: Ընդունվել է «Ֆիրմային անվանումների մասին» ՀՀ նոր օրենքը, ինչպես նաև «Գյուտերի, օգտակար մոդելների և արդյունաբերական նմուշների մասին» ՀՀ նոր օրենքը, որը կփոխարինի «Արտոնագրերի մասին» ՀՀ օրենքին:

Նշված օրենքներն ուժի մեջ են մտել 2009թ. հունվարի 1-ից:

Բացի դրանից, մշակվել և ՀՀ էկոնոմիկայի նախարարի հաստատման են ներկայացվել նշված օրենքներից բխող մի շարք ենթաօրենսդրական ակտեր:

ԳՑՈՒՏԵՐ ԵՎ ՕԳՏԱԿԱՐ ՄՈՂԵԼՆԵՐ

2008թ. Մտավոր սեփականության գործակալություն է ներկայացվել 230 գյուտի և 9 օգտակար մոդելի հայտ, որոնցից 233-ը՝ ազգային հայտատուներից, 6-ը՝ օտարերկրյա հայտատուներից (աղյուսակ 1):

2008թ. դեկտեմբերի 31-ի դրությամբ ստացված գյուտերի և օգտակար մոդելների հայտերի ընդհանուր քանակը 1992 թվականից սկսած կազմել է 2954:

Աղյուսակ 1

Երկիրը	2007	2008
Հայաստան	141	233
Այլ երկրներ	6	6
Ընդամենը	147	239

2007թ. համեմատությամբ 2008թ. ստացված հայտերի ընդհանուր քանակը աճել է 92-ով, ընդ որում ազգային հայտատուներից ստացված հայտերի քանակը նույնպես աճել է 92-ով, իսկ օտարերկրյա հայտատուներից ստացված հայտերի քանակը մնացել է նույնը՝ 6 :

Արտոնագրային համագործակցության մասին պայմանագրի ընթացակարգով Մտավոր սեփականության համաշխարհային կազմակերպության Միջազգային բյուրո (ԺՆԱ) ներկայացվող միջազգային և Եվրասիական արտոնագրային կոնվենցիայի ընթացակարգով Եվրասիական արտոնագրային գերատեսչություն (Մոսկվա) ներկայացվող Եվրասիական հայտերով գործակալությունը հանդես է գալիս որպես ստացող գերատեսչություն միայն Հայաստանի Հանրապետության քաղաքացիների և իրավաբանական անձանց, ինչպես նաև Հայաստանի Հանրապետությունում մշտապես բնակվող ֆիզիկական անձանց համար:

2008թ. գործակալությունը ստացել է 5 միջազգային հայտ, ստուգել է անհրաժեշտ փաստաթղթերի առկայությունը, դրանց համապատասխանությունը սահմանված պահանջներին և արդյունքում սահմանել է միջազգային հայտերի ներկայացման թվականը և այդ թվականից մեկամսյա ժամկետում դրանք առաքել է Միջազգային բյուրո:

Այսպիսով, 1994-2008թ.թ. ժամանակաընթացքում Մտավոր սեփականության համաշխարհային կազմակերպության Միջազգային բյուրո առաքվել է գյուտի 54 միջազգային հայտ:

2008թ. գործակալությունը ստացել է 2 Եվրասիական հայտ, ստուգել է անհրաժեշտ փաստաթղթերի առկայությունը, դրանց համապատասխանությունը սահմանված պահանջներին և արդյունքում սահմանել է Եվրասիական հայտի ներկայացման թվականը և այդ թվականից մեկամսյա ժամկետում դրանք առաքել է Եվրասիական արտոնագրային գերատեսչություն :

Այսպիսով, 1997-2008թ.թ. ժամանակաընթացքում Եվրասիական արտոնագրային գերատեսչություն առաքվել է գյուտի 15 եվրասիական հայտ:

Հաշվետու ժամանակաշրջանում 199 հայտով անցկացվել է նախնական փորձաքննություն և որոշում է կայացվել հայտերի պաշտոնական հրապարակման մասին:

Գործավարությունն ավարտվել է 147 հայտով, ընդ որում՝

- 127 հայտով կայացվել են որոշումներ նախնական արտոնագիր տալու մասին.
- 10 հայտով կայացվել են որոշումներ օգտակար մոդելի արտոնագիր տալու մասին.
- 8 հայտով կայացվել են որոշումներ գյուտի հայտը հետ կանչելու մասին.
- 2 հայտով կայացվել են որոշումներ գյուտի հիմնական արտոնագիր տալու մասին:


Հայտերի քննարկման արդյունքները դիագրամի տեսքով բերված են նկ.1-ում:

2008թ. ազգային և օտարերկրյա հայտատուներից ստացված հայտերի բաշխումն ըստ Միջազգային արտոնագրային դասակարգման բաժինների բերված է նկ.2-ում՝ գրաֆիկի տեսքով:

2008թ. տրվել է գյուտի 127 արտոնագիր և օգտակար մոդելի 11 արտոնագիր:


Գյուտի Հայաստանի Հանրապետության 2188 արտոնագրերից 2008 թվականի տվյալներով Հայաստանի Հանրապետության տարածքում գործում են 358-ը, օգտակար մոդելի 149 արտոնագրերից՝ 39-ը:

2008 թվականի տվյալներով Հայաստանի Հանրապետության տարածքում գործում են 3068 Եվրասիական արտոնագրեր:



Նկ. 1

Նկ. 2



- A. Մարդու կենսական պահանջմունքների բավարարում
- B. Տարբեր տեխնոլոգիական պրոցեսներ, տրանսպորտ
- C. Քիմիա, մետաղագործություն
- D. Մանածագործություն, թուղթ
- E. Շինարարություն, լեռնագործություն
- F. Մեխանիկա, լուսավորություն, ջեռուցում, շարժիչներ եւ պոմպեր, զենք եւ ռազմամթերք, պայթեցման աշխատանքներ
- G. Ֆիզիկա
- H. Էլեկտրականություն

ԱՊՐԱՆՔԱՅԻՆ ՆՇԱՆՆԵՐ ԵՎ ԱՐԴՑՈՒՆԱԲԵՐԱՎԱՆ ՆՄՈՒՇՆԵՐ

2008թ. ազգային ընթացակարգով Ստավոր սեփականության գործակալություն է ներկայացվել ապրանքային նշանի գրանցման 1443 հայտ (որոնցից 939-ը՝ ազգային հայտատուներից) և ապրանքի ծագման տեղանվան օգտագործման իրավունքի 4 հայտ:

Ապրանքային նշանների 1385 հայտով կատարվել է նախնական փորձաքննություն: Հետ է կանչվել 60 հայտ, իսկ 110 հայտով կայացվել են ապրանքային նշանի գրանցումը մերժելու մասին որոշումներ:

Գրանցվել են 1189 ապրանքային և սպասարկման նշաններ (որոնցից 675-ը՝

ազգային հայտատուների անունով), որոնց բաշխումն ըստ հայտատուների երկրների դիագրամի տեսքով բերված է նկ.3-ում:

Ապրանքի ծագման տեղանվան 4 հայտով կատարվել է նախնական փորձաքննություն, և կայացվել է տեղանվան օգտագործման իրավունք տալու մասին 3 որոշում:

Նշանների միջազգային գրանցման մասին Մադրիդյան համաձայնագրի և դրա արձանագրության շրջանակներում Հայաստանի Հանրապետության նշամաք ստացվել է ապրանքային նշանների միջազգային գրանցման մասին 3197 ծանուցում:

Միջազգային ծանուցումներով կայացվել են 2726 որոշումներ ապրանքային նշանին իրավական պահպանություն տրամադրելու վերաբերյալ: Նախնական մերժման մասին կայացվել է 389 որոշում, իսկ վերջնական մերժման մասին՝ 465:

Հայտերի բաշխումն ըստ հայտատուների երկրների բերված է աղյուսակ 2-ում:

Հայաստանի Հանրապետությունից ներկայացվել է միջազգային գրանցման 12 հայտ:

2007 թ. համեմատությամբ 2008 թ. ազգային հայտատուներից ստացված հայտերի քանակը աճել է՝ 882-ի դիմաց (2007թ.) 939 հայտ:


Ինչ վերաբերում է օտարերկրյա իրավաբանական անձանց ակտիվությանը, ապա այն նվազել է ազգային ընթացակարգով՝ 595-ի դիմաց (2007թ.) 504 հայտ:

Հաշվետու ժամանակաշրջանում Մտա-

վոր սեփականության գործակալություն է ներկայացվել 24 արդյունաբերական նմուշի հայտ (որոնցից 8-ը՝ ազգային հայտատուներից, 4-ը՝ Ամերիկայի Միացյալ Նահանգներից, 3-ը՝ Ավստրիայից, 1-ը՝ Բելառուսից, 1-ը՝ Գերմանիայից, 1-ը՝ Կորեայի Հանրապետությունից, 2-ը՝ Ռուսաստանի Դաշնությունից, 1-ը՝ Նիդեռլանդներից, 1-ը՝ Չինաստանից, 2-ը՝ Ճապոնիայից) : Դրանցից 8-ը ստացել են արտոնագիր, 11-ի համար կայացվել է որոշում արտոնագիր տալու մասին:

2007 թ. համեմատությամբ ազգային և օտարերկրյա հայտատուներից ստացված հայտերի քանակը աճել է՝ ազգայինը՝ 7-ի դիմաց (2007թ.) 8 հայտ և օտարերկրյա հայտատուներից՝ 11-ի դիմաց (2007թ.) 16 հայտ:

2008թ. տրվել է արդյունաբերական նմուշի 13 արտոնագիր:



Նկ. 3

Աղյուսակ 2

Երկիրը	Ըստ ազգային ընթացակարգի	Մադրիդյան համաձայնագրի և դրան կից արձանագրության շրջանակներում	Ընդամենը
Հայաստան	939	-	939
ԱՄՆ	142	188	330
Ավստրալիա	-	11	11
Ավստրիա	1	48	49
Արաբական Միացյալ Ամիրայություններ	1	-	1
Բելառուս	3	38	41
Բենիլյուքս	-	174	174
Բուլղարիա	2	46	48
Գերմանիա	17	342	359
Դանիա	3	38	41
Եգիպտոս	-	8	8
Եվրոպայի Միություն (OHIM)	-	98	98
Էստոնիա	-	8	8
Թուրքիա	2	98	100
Իռլանդիա	6	17	23
Իսլանդիա	-	36	36
Իսպանիա	2	62	64
Իտալիա	1	184	185
Իրան	4	10	14
Լատվիա	-	-	0
Լեհաստան	15	57	72
Լիխտենշտայն	7	58	65
Լյուքսեմբուրգ	2	-	2
Կիպրոս	16	-	16
Կորեայի Հանրապետություն	13	18	31
Կուբա	1	2	3
Հնդկաստան	7	-	7

Հորվաթիա	-	8	8
Հունաստան	16	17	33
Հունգարիա	1	84	85
Ղազախստան	-	14	14
Ճապոնիա	27	87	114
Մեծ Բրիտանիայի և Հյուսիսային Իռլանդիայի Թագավորություն	13	98	111
Մոլդովայի Հանրապետություն	-	16	16
Նիդեռլանդներ	2	-	2
Նորվեգիա	-	12	12
Շվեդիա	3	29	32
Շվեյցարիա	57	268	325
Չեխիա	3	37	40
Չինաստան	10	198	208
Պորտուգալիա	-	8	8
Ռումինիա	-	24	24
Ռուսաստանի Դաշնություն	43	278	321
Սերբիայի Հանրապետություն	-	8	8
Սիրիայի Արաբական Հանրապետություն	-	9	9
Սլովակիա	-	12	12
Սլովենիա	-	-	0
Վիրջինյան կղզիներ	8	-	8
Վրաստան	16	38	54
Ուկրաինա	6	112	118
Ֆինլանդիա	5	28	33
Ֆրանսիա	4	168	172
Այլ երկրներ	45	100	145
Ընդամենը	1443	3197	4640

ՖԻՐՄԱՑԻՆ ԱՆՎԱՆՈՒՄՆԵՐ

2008 թ. Մտավոր սեփականության գործակալություն է ներկայացվել ֆիրմային անվանման գրանցման 4111 հայտ:

Գրանցվել է 3988 անվանում, մերժվել է 123-ը:

Համաձայն ՀՀ կառավարության

2000թ. հուլիսի 7-ի N°289 որոշման, ֆիրմային անվանման մեջ “հայ”, “Հայաստան”, “հայկական” բառերի և դրանց թարգմանությունների օգտագործման համար հաշվետու ժամանակաշրջանում տրվել է 19 թույլտվություն, որը 2007թ. համեմատությամբ 2-ով պակաս է :

ՏԵՂԵԿԱՏՎԱԿԱՆ ՏԵՆՆՈՒԹՅԱՆԵՐ

2008 թ. լազերային սկավառակներով հրապարակվել են «Արդյունաբերական սեփականություն» պաշտոնական տեղեկագրի 12 համար՝ N°1(45) - N° 12 (56): Տեղեկագրերը հրապարակվել են երկու լեզվով՝ հայերեն և ռուսերեն, որոնց մեջ ընդգրկվել են պաշտոնական տեղեկություններ 127 գյուտի, 11 օգտակար մոդելի, 14 արդյունաբերական նմուշի արտոնագրերի, 1271 գրանցված ապրանքային և սպասարկման նշանների մասին և տեղեկություններ ապրանքային նշանների գրանցման գործողության երկարաձգման, հանրահայտ ճանաչված ապրանքային նշանների, գրանցված ֆիրմային անվանումների հայտերի մասին, ինչպես նաև տեղեկություններ արտոնագրերի և ապրանքային նշանների զիջման պայմանագրերի և լիցենզային պայմանագրերի գրանցման մասին:

Իրականացվել է 127 գյուտի և 11 օգտակար մոդելի գծագրերի ներմուծումը, առաջին էջերի, լրիվ նկարագրությունների և հավակնության սահմանումների էլեկտրո-

նային ձևերի, ինչպես նաև 14 արդյունաբերական նմուշի նկարագրության պատրաստումը և հրապարակումը՝ արտոնագրատերերին, գրադարաններին փոխանցելու, գործակալության համակարգչային ցանցում ներքին օգտագործման համար, ինտերնետային կայքում, ինչպես նաև «CIS-PATENT» սկավառակի վրա տեղադրելու համար՝ համընդհանուր օգտագործման նպատակով:

Իրականացվել է 2007 թ. «Տարեկան հաշվետվություն» տեղեկագրի նախապատրաստումը և հրապարակումը հայերեն, անգլերեն և ռուսերեն լեզուներով և դրանց էլեկտրոնային ձևերի պատրաստումը ինտերնետային էջում տեղադրելու համար: Տարեկան հաշվետվությունները ուղարկվել են 26 օտարերկրյա պետությունների արտոնագրային գերատեսչություններ:

Յրատարակվել է «Գյուտերի հայտեր» պաշտոնական տեղեկագրի 12 համար:

Մտավոր սեփականության համաշխարհային կազմակերպություն (ՄՄԿԿ)

ներկայացնելու համար պատրաստվել են 2007 թ. տեխնիկական և վիճակագրական հաշվետվությունները գյուտերի և օգտակար մոդելների, արդյունաբերական նմուշների, ապրանքային և սպասարկման նշանների վերաբերյալ:

«Գյուտերի հայտեր» պաշտոնական տեղեկագրերը և գործակալության 2007թ. տարեկան հաշվետվությունը տեղադրվել են ինտերնետային էջում՝ համընդհանուր ծանոթացման նպատակով:

Պաշտոնական տեղեկագրերն անհատույց փոխանցվել են Գիտատեխնիկական լրատվության հայկական կենտրոն, ՀՀ գիտությունների ազգային ակադեմիայի, Երևանի պետական համալսարանի, Հայաստանի ճարտարագիտական համալսարանի, Հայկական գյուղատնտեսական ակադեմիայի գրադարաններ և Հայաստանի ազգային գրադարան և ազգային գրապալատ: Պաշտոնական տեղեկագրերն անհատույց ուղարկվել են նաև ՀՀ մարզային կենտրոններ:

Գործակալությունը շարունակել է Գիտատեխնիկական լրատվության հայկական կենտրոնի արտոնագրային ֆոնդի համալրումը: Կենտրոնին տրամադրվել է օտարերկրյա պետությունների արտոնագրային գերատեսչություններից ստացված տեղեկատվությունը:

Նախնական պայմանավորվածությամբ, արտոնագրային տեղեկատվության փոխանակման շրջանակներում, ՀՀ մտավոր սեփականության գործակալությունը պաշտոնական տեղեկագրերն ուղարկել է 21 օտարերկրյա պետությունների արտոնագրային գերատեսչություններ, ինչպես նաև՝ Մտավոր սեփականության համաշխարհային կազմակերպություն (ՄՄՀԿ), Եվրոպական արտոնագրային գերատեսչություն (ԵԱԳ) և Եվրասիական արտոնագրային գերատեսչություն (ԵԱԱԳ):

Ի կատարումն «Կոմպակտ սկավանակների վրա արտոնագրային տեղեկատվական տարածաշրջանային համատեղ արտադրանքի թողարկման մասին» համա-

ձայնագրի, որին մասնակցում են ԱՊՀ 9 երկրներ, թողարկվել են «CISPATENT» անվանմամբ 12 կոմպակտ սկավանակներ, որոնցից 4 համարներում գետեղված են Հայաստանի Հանրապետությունում արտոնագիր ստացած 165 գյուտի և 11 օգտակար մոդելի մասին մատենագիտական տվյալներ հայերեն, ռուսերեն և անգլերեն լեզուներով: Վերոհիշյալ համաձայնագրի կատարման աշխատանքներն ընթացքում են: «CISPATENT» սկավանակներով տեղեկատվության փոխանակման շրջանակներում Մտավոր սեփականության գործակալությունը արտոնագրային տեղեկատվություն է ստանում Ամերիկայի Միացյալ Նահանգների, Ավստրիայի, Ֆրանսիայի, Կանադայի և Եվրոպական արտոնագրային գերատեսչություններից կոմպակտ սկավանակներով:

2008թ. շարունակվել է Հայաստանի Հանրապետությունում գրանցված գյուտերի և օգտակար մոդելների մասին տվյալների փոխանցումը Եվրասիական արտոնագրային գերատեսչություն՝ տեղեկատվական որոնման համակարգի հիմնապաշարի համալրման նպատակով:

Թարմացվել են գործակալության ինտերնետային կայքի «Վիճակագրական տվյալներ», «Օրենքներ», «Միջազգային պայմանագրեր», «Ենթաօրենսդրական ակտեր», «Ձևաթղթեր», «Պաշտոնական հրապարակումներ» ենթաէջերը:

Իրականացվել է «Գյուտերի և օգտակար մոդելների», «Ֆիրմային անվանումների» հիմնապաշարների տվյալների տեղադրումը գործակալության ինտերնետային էջում:

Հաշվետու ժամանակաշրջանում ՀՀ մտավոր սեփականության գործակալության ինտերնետային կայքի որոնման համակարգը համալրվել է ԵԱԱԳ-ում գրանցված և ՀՀ տարածքում գործող գյուտերի հիմնապաշարի որոնման համակարգով:

Հիմք ընդունելով «Ֆիրմային անվանումների մասին» ՀՀ նոր օրենքը, որն ուժի մեջ է մտել 2009 թվականի հունվարի 1-ից,

հնարավորություն է ընձեռվել ֆիրմային անվանումների հայտերը գործակալության ներկայացնել էլեկտոնային եղանակով :

Մտավոր սեփականության գործակալության ինտերնետային կայքը ներկայացվել է 2008 թվականի նոյեմբերի 15-ից դեկտեմբերի 25-ը Երևանում անցկացված էլեկտրոնային բովանդակության համահայկական III մրցույթին, որին ներկայացված էին 377 աշխատանքներ, և արժանացել է գլխավոր մրցանակներից մեկին:

Հաշվետու ժամանակաշրջանում շարունակվել են գործակալության ավտոմատացման և տեխնիկական վերազինման աշխատանքները: Գործակալությունը վերազինվել է երեք Intel(R) Core(TM)2 DUO տեսակի համակարգիչներով, համակարգչային օժանդակ սարքերով և սարքավորումներով,

այդ թվում՝ անխափան սնուցման աղբյուրներով: Վերացվել են գործակալության տեղեկատվական համակարգի մեջ շահագործման ընթացքում ի հայտ եկած թերությունները և բացթողումները: Չարգացման արդյունքում առաջացած խնդիրների ներդրման նպատակով կատարվել են փոփոխություններ և լրացումներ Մտավոր սեփականության գործակալության տեղեկատվական համակարգում:

Իրականացվել է Windows XP, Windows Vista համակարգերի և Microsoft office-ի տեղադրում և կարգաբերում, օպերացիոն համակարգի սպասարկում, համակարգչային ծրագրերի տեղադրում և կարգաբերում, վնասված համակարգիչների և ծրագրերի ախտորոշում և անսարքության վերացում:

ԼԻՑԵՆԶԱՑԻՆ ԵՎ ԶԻԶՄԱՆ ՄԱՍԻՆ ՊԱՑՄԱՆԱԳՐԵՐԻ ԳՐԱՆՑՈՒՄ

Հաշվետու ժամանակաշրջանում Արտոնագրերի զիջման մասին պայմանագրերի և լիցենզային պայմանագրերի գրանցման կարգի և Ապրանքային նշանների զիջման մասին պայմանագրերի և լիցենզային պայմանագրերի գրանցման կարգի համաձայն գործակալությունը շարունակել է լիցենզային պայմանագրերի և պահպանական փաստաթղթերի զիջման պայմանագրերի քննարկումն ու գրանցումը:

2008թ. ընթացքում քննարկվել և

գրանցվել են 85 պայմանագրեր, որոնցից 60-ը՝ ապրանքային նշանների զիջման մասին, 20-ը՝ ապրանքային նշանների օգտագործման լիցենզիա տալու մասին, 4-ը՝ գյուտի արտոնագրի զիջման մասին, 1-ը՝ արտոնագրային հասարակ լիցենզիա տալու մասին:

Ապրանքային նշանների զիջման պայմանագրերը կնքվել են ինչպես օտարերկրյա, այնպես էլ ազգային իրավաբանական անձանց միջև:

ԻՐԱՎԱԿԱՆ ԴԱՇՏ

2008թ. շարունակվել են բնագավառի իրավական դաշտի կատարելագործմանն ուղղված աշխատանքները, մասնավորապես ընդունվել և 2009թ. հունվարի 1-ից ուժի մեջ են մտել «Գյուտերի, օգտակար մոդելների և արոյունաբերական նմուշների մասին» և «Ֆիրմային անվանումների մասին» Հայաստանի Հանրապետության նոր օրենքները, որոնք համաձայնեցված են TRIP's համաձայնագրի և Եվրամիության մի շարք դիրեկտիվների դրույթներին:

ՀՀ կենտրոնական բանկի հետ համատեղ մշակվել և ՀՀ կառավարության քննարկմանն է ներկայացվել «Ֆիրմային անվանումների մասին» Հայաստանի Հանրապետության օրենքում լրացումներ կատարելու մասին» Հայաստանի Հանրապետության օրենքի և այդ կապակցությամբ բանկային համակարգի մի շարք օրենքներում լրացումներ և փոփոխություններ

կատարելու մասին օրենքների նախագծերի փաթեթը: Մշակվել և ՀՀ կառավարության քննարկմանն է ներկայացվել «Հեղինակային իրավունքի և հարակից իրավունքների մասին Հայաստանի Հանրապետության օրենքում լրացումներ կատարելու մասին» Հայաստանի Հանրապետության օրենքի նախագիծը:

Սկսվել են «Ապրանքային նշանների մասին», «Աշխարհագրական նշումների մասին», «Ստավոր սեփականության գնահատման մասին» Հայաստանի Հանրապետության օրենքների նախագծերի մշակման հետ կապված աշխատանքները:

Քննարկվել են ՀՀ կառավարության կողմից շրջանառության մեջ դրված մի շարք նորմատիվային փաստաթղթերի նախագծեր, որոնց վերաբերյալ ներկայացվել են համապատասխան առաջարկություններ և դիտողություններ:

ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ

Միջազգային ոլորտում Մտավոր սեփականության գործակալությունը հիմնականում համագործակցում է Մտավոր սեփականության համաշխարհային կազմակերպության (ՄՍՀԿ), Եվրոպական արտոնագրային գերատեսչության (ԵԱԳ), Եվրասիական արտոնագրային գերատեսչության (ԵԱԱԳ), ինչպես նաև ԱՊՀ և այլ երկրների նմանատիպ կազմակերպությունների հետ:

Հաշվետու ժամանակաշրջանում միջազգային համագործակցության շրջանակներում գործակալության մասնագետները մասնակցել են ՄՍՀԿ, ԵԱԳ, TAIEX և ԵԱԱԳ, ինչպես նաև ԱՄՆ դեսպանատան

կողմից կազմակերպվող սեմինարներին, գործնական հանդիպումներին և որակավորման բարձրացման դասընթացներին: Գործակալության չորս մասնագետներ փորձի փոխանակման նպատակով այցելել են ԱՄՆ, ընդ որում երեք մասնագետ՝ արտոնագրային գերատեսչություն, մեկ մասնագետ՝ ԱՄՆ առևտրի պալատի SABIT ծրագրի շրջանակներում:

TAIEX ծրագրի շրջանակներում գործակալության պետը, պետի տեղակալը և մեկ մասնագետ մասնակցել են Մյունխենում կազմակերպված ԵԱԳ- TAIEX համատեղ ֆորումին, որտեղ քննարկվել են Մտավոր սեփականության գործակալության և TAIEX

ծրագրի միջև համագործակցության հնարավորությունները:

2008թ. սեպտեմբերին Մտավոր սեփականության գործակալության և Լիտվայի Հանրապետության պետական արտոնագրային բյուրոյի միջև ստորագրվեց փորձի փոխանակման և համագործակցության վերաբերյալ փոխըմբռնման հուշագիր:

Հաշվետու ժամանակաշրջանում գործակալության չորս մասնագետներ երեք շաբաթով մասնակցել են Ռուսաստանի Դաշնության մտավոր սեփականության պետական ինստիտուտի կազմակերպած ուսուցողական ծրագրերին:

2008թ. հոկտեմբեր ամսին գործակալության մեկ աշխատակից մասնակցել է ՄՍՀԿ համաշխարհային ակադեմիայի

Հեղինակային իրավունքի և հարակից իրավունքների միջտարածաշրջանային միջանկյալ սեմինարին, որը կազմակերպվել էր ՄՍՀԿ-ում և Մեծ Բրիտանիայի հեղինակային իրավունքի խորհրդում:

2008թ. նոյեմբերի 5-7-ը Մտավոր սեփականության գործակալությունը հյուրընկալեց ՄՍՀԿ համաշխարհային ակադեմիայի դեկան Մ. Սինջելային, նրա օգնական Ա. Դոլուդբանային և ՄՍՀԿ Եվրոպայի և Ասիական որոշ երկրների բաժնի աշխատակից Ս. Տլկետսվային: Հանդիպման ընթացքում քննարկվեցին Մտավոր սեփականության գործակալության և ՄՍՀԿ համաշխարհային ակադեմիայի միջև համագործակցության շրջանակների ընդլայնմանը վերաբերող հարցեր: